



বাংলাদেশ বিশ্ববিদ্যালয় মঞ্জুরী কমিশন  
University Grants Commission of Bangladesh  
আগারগাঁও, শেরে বাংলা নগর, ঢাকা - ১২০৭।



বিদেশী ডিগ্রীর সমতা বিধান নীতিমালা

- ১। নামকরণ : এই নীতিমালাকে বিদেশী বিশ্ববিদ্যালয় হইতে অর্জিত ডিগ্রীর সমতা বিধান নীতিমালা বলা হইবে।
- ২। সংজ্ঞা : বিষয় অথবা প্রসঙ্গের পরিপন্থী না থাকিলে এই নীতিমালাতে-
- ক) “ইউজিসি” অর্থ রাষ্ট্রপতির আদেশ নম্বর-১০ দ্বারা প্রতিষ্ঠিত বাংলাদেশ বিশ্ববিদ্যালয় মঞ্জুরী কমিশন ;
- খ) “পূর্ণ কমিশন” অর্থ বাংলাদেশ বিশ্ববিদ্যালয় মঞ্জুরী কমিশন এর পূর্ণ কমিশন ;
- গ) “চেয়ারম্যান” অর্থ বাংলাদেশ বিশ্ববিদ্যালয় মঞ্জুরী কমিশন এর চেয়ারম্যান ;
- ঘ) “বিশ্ববিদ্যালয়” অর্থ গণপ্রজাতন্ত্রী বাংলাদেশ সরকার কর্তৃক অনুমোদিত সরকারী ও বেসরকারী বিশ্ববিদ্যালয় ;
- ঙ) “মূল্যায়ন কমিটি” অর্থ এই নীতিমালায় উল্লিখিত বিষয়ে ইউজিসি কর্তৃপক্ষ কর্তৃক অনুমোদিত গঠিত কমিটি ;
- চ) “গবেষণা সহায়তা এবং প্রকাশনা” অর্থ বাংলাদেশ বিশ্ববিদ্যালয় মঞ্জুরী কমিশন এর গবেষণা সহায়তা এবং প্রকাশনা বিভাগ ;
- ছ) “ডিগ্রী” অর্থ সরকার কর্তৃক অনুমোদিত সরকারী বা বেসরকারী বিশ্ববিদ্যালয়/প্রতিষ্ঠান হইতে অর্জিত ডিগ্রী ;
- জ) “অন ক্যাম্পাস” অর্থ যে ক্যাম্পাসে অধ্যয়নের জন্য সরাসরি শ্রেণী কক্ষে উপস্থিত থাকিয়া শিক্ষা কার্যক্রমে অংশগ্রহণ করা বাধ্যতামূলক ;
- ঝ) “অফ ক্যাম্পাস” অর্থ যে ক্যাম্পাসে অধ্যয়নের জন্য সরাসরি শ্রেণী কক্ষে উপস্থিত থাকিয়া শিক্ষা কার্যক্রমে অংশগ্রহণে বাধ্যবাধকতা নাই, অনলাইনে শিক্ষা কার্যক্রমে অংশগ্রহণের মাধ্যমে ডিগ্রী অর্জন করা যায় ;
- ঞ) “স্টাডি সেন্টার” অর্থ যথাযথ কর্তৃপক্ষ কর্তৃক স্বীকৃত কোন বিশ্ববিদ্যালয়/উচ্চ শিক্ষা প্রতিষ্ঠানের স্টাডি সেন্টার ;
- ট) “মেয়াদকাল” অর্থ ডিগ্রী অর্জনের জন্য বিদেশী বিশ্ববিদ্যালয়ের ব্যায়িত ন্যূনতম সময় ;
- ৩। নীতিমালার প্রযোজ্যতা : এই নীতিমালা কেবলমাত্র বিদেশী বিশ্ববিদ্যালয় হইতে অর্জিত ডিগ্রীর সমতা বিধানের ক্ষেত্রে প্রযোজ্য হইবে।
- ৪। নীতিমালার প্রাধান্যঃ এই নীতিমালা অনুমোদনের তারিখ হইতে কার্যকর হইবে।
- ৫। সাধারণ নিয়মাবলী :
- (ক) স্বীকৃত ও মানসম্মত বিদেশী বিশ্ববিদ্যালয় হইতে অর্জিত ডিগ্রী বাংলাদেশের বিভিন্ন বিশ্ববিদ্যালয় হইতে প্রদত্ত অনুরূপ ডিগ্রীর সহিত সমতার যোগ্য বলিয়া বিবেচিত হইবে।
- (খ) অর্জিত বিদেশী ডিগ্রী যদি সরাসরি কোন বিশ্ববিদ্যালয় কর্তৃক প্রদত্ত না হইয়া একই দেশের সংশ্লিষ্ট বিশ্ববিদ্যালয়ের স্বীকৃত কোন অঙ্গীভূত কলেজ/ইনস্টিটিউট (অন ক্যাম্পাস) হইতে প্রাপ্ত হইয়া থাকে তাহা হইলে ক্রমিক-ক এ উল্লিখিত শর্তে অনুরূপ ডিগ্রীর সহিত সমতায়ন করা যাইবে।

- (গ) বিদেশের যে বিশ্ববিদ্যালয় হইতে ডিগ্রী অর্জিত হইয়াছে তাহা যদি সংশ্লিষ্ট দেশের সরকার কর্তৃক স্বীকৃত না হয় তাহা হইলে প্রাপ্ত ডিগ্রী সমতা বিধানের জন্য গ্রহণযোগ্য হইবে না।
- (ঘ) মূল সনদ না পাওয়া পর্যন্ত সাময়িক সনদ গ্রহণযোগ্য হইবে। তবে শর্ত থাকে যে, অর্জিত ডিগ্রীর মূল ট্রান্সক্রিপ্টসমূহ সংশ্লিষ্ট বিশ্ববিদ্যালয় কর্তৃপক্ষ কর্তৃক অবশ্যই স্বাক্ষরিত হইতে হইবে। মূল সনদ ব্যতিত ডিগ্রী সমতার জন্য আবেদন করার কোন সুযোগ নাই।
- (ঙ) যে বিশ্ববিদ্যালয় হইতে ডিগ্রী অর্জিত হইয়াছে, সেই বিশ্ববিদ্যালয় যদি অন্য কোন বিশ্ববিদ্যালয় অধ্যয়নের কোন ক্রেডিট রেয়াত (Credit waiver) দিয়া থাকে তাহার স্বপক্ষে প্রমানাদী আবেদনের সহিত জমা দিতে হইবে।
- (চ) সার্টিফিকেট, ট্রান্সক্রিপ্ট ও অন্যান্য গুরুত্বপূর্ণ ডকুমেন্ট অনুবাদ করার ক্ষেত্রে অনুবাদকারী প্রতিষ্ঠান এর বিশ্বাসযোগ্যতা বিবেচনা করিতে হইবে।
- (ছ) সরকারী বৃত্তি প্রাপ্ত হইয়া বিদেশ থেকে ডিগ্রী অর্জন করিলে বিশেষজ্ঞ মতামত সাপেক্ষে কমিশন কর্তৃপক্ষ কর্তৃক উক্ত সনদ সমতা বিধানের বিষয়ে সিদ্ধান্ত প্রদান করিতে পারিবে।
- (জ) সমতা বিধানের সকল সনদে অবশ্যই উল্লেখ থাকিবে “উপযুক্ত প্রত্যয়ন প্রদত্ত ডিগ্রীর সত্যতার নিশ্চয়তা বিধান করে না”।

৬। বিশেষ শর্তাবলী :

- (ক) অর্জিত ডিগ্রীর অনুরূপ কোন ডিগ্রী বাংলাদেশের কোন শিক্ষাপ্রতিষ্ঠান প্রদান না করিলে অর্জিত ডিগ্রীর ট্রান্সক্রিপ্ট, সিলেবাস ইত্যাদি যাচাইপূর্বক বাংলাদেশের কোন ডিগ্রীর সঙ্গে সমতায়ন করার বিষয়টি সমতা বিধান কমিটির সুপারিশ সাপেক্ষে কমিশন কর্তৃপক্ষের উপর ন্যস্ত থাকিবে এবং কমিশন কর্তৃপক্ষের সিদ্ধান্তই চূড়ান্ত বলিয়া গণ্য হইবে।
- (খ) অন লাইনের মাধ্যমে অর্জিত পিএইচডি ডিগ্রী, অন্যান্য প্রফেশনাল ডিগ্রী ও ৩ বৎসরের কম সময়ে অর্জিত কোন ডিগ্রীর সমতায়ন ও অর্জিত ডিগ্রীর শ্রেণী/গ্রেড নির্ধারণ সমতা বিধান কমিটির আওতাভুক্ত হইবে না।
- (গ) বিশ্বের যে কোন স্বীকৃত ও মানসম্মত উন্মুক্ত বিশ্ববিদ্যালয় হইতে অর্জিত ডিগ্রী বাংলাদেশের উন্মুক্ত বিশ্ববিদ্যালয়ের ডিগ্রী সহিত সমতা বিধান করা যাইবে। উক্ত ডিগ্রী যদি সংশ্লিষ্ট বিশ্ববিদ্যালয়ের স্বীকৃত কোন স্টাডি সেন্টার হইতে অর্জন করা হইয়া থাকে, সেই ক্ষেত্রে স্টাডি সেন্টারটি সংশ্লিষ্ট বিশ্ববিদ্যালয় কর্তৃক স্বীকৃত কিনা তাহার স্বপক্ষে সনদ পত্রের কপি সংযুক্ত করিতে হইবে। এতদ্ব্যতিত, সেন্টারটি যদি সংশ্লিষ্ট দেশে না হইয়া অন্য কোন দেশে হইয়া থাকে সেই ক্ষেত্রে সেন্টারটি যে দেশে অবস্থিত সেই দেশ কর্তৃক স্বীকৃত কিনা তাহার স্বপক্ষে প্রমাণ সংযুক্ত করিতে হইবে (সংশ্লিষ্ট দেশের দূতাবাস কর্তৃক প্রত্যয়নের প্রয়োজন হইবে)।
- (ঘ) চিকিৎসা, নার্সিং, ফার্মেসী ও আইন বিষয়ক ডিগ্রী সংশ্লিষ্ট যথাযথ কর্তৃপক্ষের (BMDC, Nursing Council, Pharmacy Council and Bar Council) সুপারিশ সাপেক্ষে সমতায়ন করা যাইবে।
- (ঙ) শরণার্থী আবেদনকারীর বিশেষ কারণবশতঃ যথাযথ পাসপোর্ট ও ভিসা না থাকিলে তাহার পঠিত বিদেশী প্রতিষ্ঠানের রেজিস্ট্রেশন, ভর্তি সংক্রান্ত কাগজপত্র, বিশ্ববিদ্যালয়ের অবস্থানের যথাযথ প্রমানাদী দাখিল করিলে পাসপোর্ট ও ভিসা থাকার শর্ত শিথিল করা যাইবে।
- (চ) ACCA একটি প্রফেশনাল ডিগ্রী হওয়ায় ACCA এর মাধ্যমে অর্জিত বিদেশী ডিগ্রীর সমতায়ন করার জন্য কোন আবেদন গ্রহণ করা হইবে না।

৭। বিষয়ভিত্তিক সমতা বিধান :

(ক) কলা-মানবিক ও সামাজিক বিজ্ঞান :

- (১) ০৩ (তিন) বৎসর মেয়াদী বিদেশী ডিগ্রী যদি দূরশিক্ষণের মাধ্যমে অর্জিত হয় এবং ডিগ্রী প্রদানকারী বিশ্ববিদ্যালয় যথাযথ কর্তৃপক্ষ কর্তৃক ও স্টাডি সেন্টারটি স্ব স্ব দেশের সরকার কর্তৃক অনুমোদিত হয়, সেই ক্ষেত্রে সকল ডকুমেন্ট ও তথ্যাদি সঠিক থাকার সাপেক্ষে উক্ত অর্জিত ডিগ্রী বাংলাদেশ উন্মুক্ত বিশ্ববিদ্যালয় কর্তৃক প্রদত্ত ০৩ (তিন) বৎসর মেয়াদী Bachelor of Arts/ Bachelor of Social Science এর সহিত সমতায়ন করা যাইবে/যাইতে পারে। সনদে অবশ্যই উল্লেখ থাকিবে যে, ডিগ্রীটি দূরশিক্ষণ এর মাধ্যমে অর্জিত হইয়াছে।
- (২) ০৩ (তিন) বৎসর মেয়াদী বিদেশী ডিগ্রী যদি সরাসরি ক্যাম্পাসে পরিচালিত হয় এবং ডিগ্রী প্রদানকারী বিশ্ববিদ্যালয় যথাযথ কর্তৃপক্ষ কর্তৃক অনুমোদিত হয়, সেই ক্ষেত্রে সকল ডকুমেন্ট ও তথ্যাদি সঠিক থাকার সাপেক্ষে উক্ত অর্জিত ডিগ্রী জাতীয় বিশ্ববিদ্যালয় কর্তৃক প্রদত্ত ০৩ (তিন) বৎসর মেয়াদী Bachelor of Arts/ Bachelor of Social Science এর সহিত সমতায়ন করা যাইবে।
- (৩) ০৩ (তিন) বৎসর মেয়াদী বিদেশী ডিগ্রী যদি সরাসরি ক্যাম্পাসে পরিচালিত হয় এবং ডিগ্রী প্রদানকারী বিশ্ববিদ্যালয় যথাযথ কর্তৃপক্ষ কর্তৃক অনুমোদিত হয় ও বিশ্ববিদ্যালয়টি সংশ্লিষ্ট দেশের শীর্ষ ২৫টি বিশ্ববিদ্যালয়ের মধ্যে অন্তর্ভুক্ত থাকে তাহা হইলে সকল ডকুমেন্ট ও তথ্যাদি সঠিক থাকার সাপেক্ষে উক্ত অর্জিত ডিগ্রী জাতীয় বিশ্ববিদ্যালয় কর্তৃক প্রদত্ত Bachelor of Arts (with major)/ Bachelor of Social Science (with major) এর সহিত সমতায়ন করা যাইবে।
- (৪) ০৪ (চার) বৎসর মেয়াদী বিদেশী ডিগ্রী যদি সরাসরি ক্যাম্পাসে পরিচালিত হয় এবং ডিগ্রী প্রদানকারী বিশ্ববিদ্যালয় যথাযথ কর্তৃপক্ষ কর্তৃক অনুমোদিত হয়, সেই ক্ষেত্রে সকল ডকুমেন্ট ও তথ্যাদি সঠিক থাকার সাপেক্ষে উক্ত অর্জিত ডিগ্রী ০৪ (চার) বৎসর মেয়াদী Bachelor of Arts (with major)/ Bachelor of Social Science (with major) এর সহিত সমতায়ন করা যাইবে।
- (৫) অর্জিত বিদেশী পোস্ট গ্রাজুয়েট ডিগ্রী ০১ (এক) বৎসর মেয়াদী হইলে এবং পূর্ববর্তী গ্রাজুয়েশন ডিগ্রী উপরোক্ত (১) অথবা (২) অথবা (৩) পন্থায় অর্জিত হইলে সকল ডকুমেন্ট ও তথ্যাদি সঠিক থাকার সাপেক্ষে অর্জিত পোস্ট গ্রাজুয়েট ডিগ্রী বাংলাদেশের Master of Arts/Social Science (with major) ডিগ্রী এর সহিত সমতায়ন করা যাইবে।
- (৬) অর্জিত বিদেশী পোস্ট গ্রাজুয়েট ডিগ্রী ০২ (দুই) বৎসর মেয়াদী হইলে Master of Arts/Social Science (with major) ডিগ্রীর সহিত সমতায়ন করা যাইবে।
- (৭) বাংলাদেশে মাস্টার ডিগ্রীপ্রাপ্ত কোন ছাত্র/ছাত্রী বিদেশ থেকে ০২ (দুই) বৎসর মেয়াদী থিসিসসহ পোস্ট গ্রাজুয়েট ডিগ্রী অর্জন করিলে দাখিলকৃত সকল ডকুমেন্ট ও তথ্যাদিসহ থিসিস পেপারটি বিশেষজ্ঞ মতামতের ভিত্তিতে M. Phil হিসাবে সমতায়নের বিষয়ে সিদ্ধান্ত গৃহীত হইবে।
- (৮) Ph.D. ডিগ্রীর ক্ষেত্রে দাখিলকৃত সকল ডকুমেন্ট ও তথ্যাদিসহ থিসিস পেপারটি বিশেষজ্ঞ মতামতের ভিত্তিতে সমতায়নের বিষয়ে সিদ্ধান্ত গৃহীত হইবে।

(খ) ব্যবসায় শিক্ষা :


- (১) ০৩ (তিন) বৎসর মেয়াদী বিদেশী ডিগ্রী যদি দূরশিক্ষণের মাধ্যমে অর্জিত হয় এবং ডিগ্রী প্রদানকারী বিশ্ববিদ্যালয় যথাযথ কর্তৃপক্ষ কর্তৃক ও স্টাডি সেন্টারটি স্ব স্ব দেশের সরকার কর্তৃক অনুমোদিত হয়, সেই ক্ষেত্রে সকল ডকুমেন্ট ও তথ্যাদি সঠিক থাকার সাপেক্ষে উক্ত অর্জিত ডিগ্রী বাংলাদেশ উন্মুক্ত বিশ্ববিদ্যালয় কর্তৃক প্রদত্ত ০৩ (তিন) বৎসর মেয়াদী Bachelor of Business Studies এর সহিত সমতায়ন করা যাইবে/যাইতে পারে। সনদে অবশ্যই উল্লেখ থাকিবে যে, ডিগ্রীটি দূরশিক্ষণ এর মাধ্যমে অর্জিত হইয়াছে।
- (২) ০৩ (তিন) বৎসর মেয়াদী বিদেশী ডিগ্রী যদি সরাসরি ক্যাম্পাসে পরিচালিত হয় এবং ডিগ্রী প্রদানকারী বিশ্ববিদ্যালয় যথাযথ কর্তৃপক্ষ কর্তৃক অনুমোদিত হয়, সেই ক্ষেত্রে সকল ডকুমেন্ট ও তথ্যাদি সঠিক থাকার সাপেক্ষে উক্ত অর্জিত ডিগ্রী জাতীয় বিশ্ববিদ্যালয় কর্তৃক প্রদত্ত ০৩ (তিন) বৎসর মেয়াদী Bachelor of Business Studies এর সহিত সমতায়ন করা যাইবে।
- (৩) ০৩ (তিন) বৎসর মেয়াদী বিদেশী ডিগ্রী যদি সরাসরি ক্যাম্পাসে পরিচালিত হয় এবং ডিগ্রী প্রদানকারী বিশ্ববিদ্যালয় যথাযথ কর্তৃপক্ষ কর্তৃক অনুমোদিত হয় ও বিশ্ববিদ্যালয়টি সংশ্লিষ্ট দেশের শীর্ষ ২৫টি বিশ্ববিদ্যালয়ের মধ্যে অন্তর্ভুক্ত থাকে সেই ক্ষেত্রে

সকল ডকুমেন্ট ও তথ্যাদি সঠিক থাকা সাপেক্ষে উক্ত অর্জিত ডিগ্রী জাতীয় বিশ্ববিদ্যালয় কর্তৃক প্রদত্ত Bachelor of Business Administration (with major) এর সহিত সমতায়ন করা যাইবে।

- (৪) ০৪ (চার) বৎসর মেয়াদী বিদেশী ডিগ্রী যদি সরাসরি ক্যাম্পাসে পরিচালিত হয় এবং ডিগ্রী প্রদানকারী বিশ্ববিদ্যালয় যথাযথ কর্তৃপক্ষ কর্তৃক অনুমোদিত হয়, সেই ক্ষেত্রে সকল ডকুমেন্ট ও তথ্যাদি সঠিক থাকা সাপেক্ষে উক্ত অর্জিত ডিগ্রী ০৪ (চার) বৎসর মেয়াদী Bachelor of Business Administration (with major) এর সহিত সমতায়ন করা যাইবে।
- (৫) অর্জিত বিদেশী পোস্ট গ্রাজুয়েট ডিগ্রী ০১ (এক) বৎসর মেয়াদী হইলে এবং পূর্ববর্তী গ্রাজুয়েশন ডিগ্রী উপরোক্ত (১) অথবা (২) পন্থায় অর্জিত হইলে সকল ডকুমেন্ট ও তথ্যাদি সঠিক থাকা সাপেক্ষে অর্জিত পোস্ট গ্রাজুয়েট ডিগ্রী বাংলাদেশের Evening Master of Business Administration ডিগ্রী এর সহিত সমতায়ন করা যাবে।
- (৬) অর্জিত বিদেশী পোস্ট গ্রাজুয়েট ডিগ্রী ০১ (এক) বৎসর মেয়াদী হইলে এবং পূর্ববর্তী গ্রাজুয়েশন ডিগ্রী উপরোক্ত (৩) পন্থায় অর্জিত হইলে সকল ডকুমেন্ট ও তথ্যাদি সঠিক থাকা সাপেক্ষে অর্জিত পোস্ট গ্রাজুয়েট ডিগ্রী বাংলাদেশের Master of Business Administration (with major) ডিগ্রী এর সহিত সমতায়ন করা যাবে।
- (৭) অর্জিত বিদেশী পোস্ট গ্রাজুয়েট ডিগ্রী ০২ (দুই) বৎসর মেয়াদী হইলে Master of Business Administration (with major) ডিগ্রীর সহিত সমতায়ন করা যাইবে।
- (৮) বাংলাদেশে মাস্টার ডিগ্রীপ্রাপ্ত কোন ছাত্র/ছাত্রী বিদেশ থেকে ০২ (দুই) বৎসর মেয়াদী থিসিসসহ পোস্ট গ্রাজুয়েট ডিগ্রী অর্জন করিলে দাখিলকৃত সকল ডকুমেন্ট ও তথ্যাদিসহ থিসিস পেপারটি বিশেষজ্ঞ মতামতের ভিত্তিতে M. Phil হিসাবে সমতায়নের বিষয়ে সিদ্ধান্ত গৃহীত হইবে।
- (৯) Ph.D. ডিগ্রীর ক্ষেত্রে দাখিলকৃত সকল ডকুমেন্ট ও তথ্যাদিসহ থিসিস পেপারটি বিশেষজ্ঞ মতামতের ভিত্তিতে সমতায়নের বিষয়ে সিদ্ধান্ত গৃহীত হইবে।
- (গ) বিজ্ঞান :
- (১) ০৩ (তিন) বৎসর মেয়াদী বিদেশী ডিগ্রী যদি দূরশিক্ষণের মাধ্যমে অর্জিত হয় এবং ডিগ্রী প্রদানকারী বিশ্ববিদ্যালয় যথাযথ কর্তৃপক্ষ কর্তৃক ও স্টাডি সেন্টারটি স্বল্প দেশের সরকার কর্তৃক অনুমোদিত হয়, সেই ক্ষেত্রে সকল ডকুমেন্ট ও তথ্যাদি সঠিক থাকা সাপেক্ষে উক্ত অর্জিত ডিগ্রী বাংলাদেশ উন্মুক্ত বিশ্ববিদ্যালয় কর্তৃক প্রদত্ত ০৩ (তিন) বৎসর মেয়াদী Bachelor of Science এর সহিত সমতায়ন করা যাইবে/যাইতে পারে। সনদে অবশ্যই উল্লেখ থাকিবে যে, ডিগ্রীটি দূরশিক্ষণ এর মাধ্যমে অর্জিত হইয়াছে।
- (২) ০৩ (তিন) বৎসর মেয়াদী বিদেশী ডিগ্রী যদি সরাসরি ক্যাম্পাসে পরিচালিত হয় এবং ডিগ্রী প্রদানকারী বিশ্ববিদ্যালয় যথাযথ কর্তৃপক্ষ কর্তৃক অনুমোদিত হয়, সেই ক্ষেত্রে সকল ডকুমেন্ট ও তথ্যাদি সঠিক থাকা সাপেক্ষে উক্ত অর্জিত ডিগ্রী জাতীয় বিশ্ববিদ্যালয় কর্তৃক প্রদত্ত ০৩ (তিন) বৎসর মেয়াদী Bachelor of Science এর সহিত সমতায়ন করা যাইবে।
- (৩) ০৩ (তিন) বৎসর মেয়াদী বিদেশী ডিগ্রী যদি সরাসরি ক্যাম্পাসে পরিচালিত হয় এবং ডিগ্রী প্রদানকারী বিশ্ববিদ্যালয় যথাযথ কর্তৃপক্ষ কর্তৃক অনুমোদিত হয় ও বিশ্ববিদ্যালয়টি সংশ্লিষ্ট দেশের শীর্ষ ২৫টি বিশ্ববিদ্যালয়ের মধ্যে অন্তর্ভুক্ত থাকে সেই ক্ষেত্রে সকল ডকুমেন্ট ও তথ্যাদি সঠিক থাকা সাপেক্ষে উক্ত অর্জিত ডিগ্রী জাতীয় বিশ্ববিদ্যালয় কর্তৃক প্রদত্ত Bachelor of Science (with major) এর সহিত সমতায়ন করা যাইবে।
- (৪) ০৪ (চার) বৎসর মেয়াদী বিদেশী ডিগ্রী যদি সরাসরি ক্যাম্পাসে পরিচালিত হয় এবং ডিগ্রী প্রদানকারী বিশ্ববিদ্যালয় যথাযথ কর্তৃপক্ষ কর্তৃক অনুমোদিত হয়, সেই ক্ষেত্রে সকল ডকুমেন্ট ও তথ্যাদি সঠিক থাকা সাপেক্ষে উক্ত অর্জিত ডিগ্রী ০৪ (চার) বৎসর মেয়াদী Bachelor of Science (with major) এর সহিত সমতায়ন করা যাইবে।
- (৫) অর্জিত বিদেশী পোস্ট গ্রাজুয়েট ডিগ্রী ০১ (এক) বৎসর মেয়াদী হইলে এবং পূর্ববর্তী গ্রাজুয়েশন ডিগ্রী উপরোক্ত (১) অথবা (২) অথবা (৩) পন্থায় অর্জিত হইলে সকল ডকুমেন্ট ও তথ্যাদি সঠিক থাকা সাপেক্ষে অর্জিত পোস্ট গ্রাজুয়েট ডিগ্রী বাংলাদেশের Master of Science (with major) ডিগ্রী এর সহিত সমতায়ন করা যাবে।
- (৬) অর্জিত বিদেশী পোস্ট গ্রাজুয়েট ডিগ্রী ০২ (দুই) বৎসর মেয়াদী হইলে Master of Science (with major) ডিগ্রীর সহিত সমতায়ন করা যাইবে।

- (৭) বাংলাদেশে মাস্টার ডিগ্রীপ্রাপ্ত কোন ছাত্র/ছাত্রী বিদেশ থেকে ০২ (দুই) বৎসর মেয়াদী থিসিসসহ পোস্ট গ্রাজুয়েট ডিগ্রী অর্জন করিলে দাখিলকৃত সকল ডকুমেন্ট ও তথ্যাদিসহ থিসিস পেপারটি বিশেষজ্ঞ মতামতের ভিত্তিতে M. Phil হিসাবে সমতায়নের বিষয়ে সিদ্ধান্ত গৃহীত হইবে।
- (৮) Ph.D. ডিগ্রীর ক্ষেত্রে দাখিলকৃত সকল ডকুমেন্ট ও তথ্যাদিসহ থিসিস পেপারটি বিশেষজ্ঞ মতামতের ভিত্তিতে সমতায়নের বিষয়ে সিদ্ধান্ত গৃহীত হইবে।
- (ঘ) প্রকৌশল :
- (১) দূরশিক্ষণ এর মাধ্যমে অর্জিত প্রকৌশল বিষয়ক কোন ডিগ্রীর সমতায়ন করার সুযোগ নাই।
- (২) বাংলাদেশে প্রকৌশল বিষয়ে ০৩ (তিন) বৎসর মেয়াদী গ্রাজুয়েশন ডিগ্রী বিদ্যমান না থাকায় বিদেশ থেকে অর্জিত ০৩ (তিন) বৎসর মেয়াদী কোন প্রকৌশল ডিগ্রীর সমতায়ন করা যাইবে না।
- (৩) বিদেশ থেকে অর্জিত ০৪ (চার) বৎসর মেয়াদী প্রকৌশল ডিগ্রী যদি সরাসরি ক্যাম্পাসে পরিচালিত হইয়া থাকিলে এবং ডিগ্রী প্রদানকারী বিশ্ববিদ্যালয় যথাযথ কর্তৃপক্ষ কর্তৃক অনুমোদিত হইলে সকল ডকুমেন্ট ও তথ্যাদি সঠিক থাকা সাপেক্ষে উক্ত অর্জিত ডিগ্রী ০৪(চার) বৎসর মেয়াদী প্রকৌশল ডিগ্রীর সহিত সমতায়ন করা যাইবে।
- (৪) অর্জিত বিদেশী পোস্ট গ্রাজুয়েট ডিগ্রী ০১ (এক) বৎসর মেয়াদী হইলে এবং পূর্ববর্তী গ্রাজুয়েশন ডিগ্রী উপরোক্ত (১) অথবা (২) পন্থায় অর্জিত হইয়া থাকিলে উক্ত অর্জিত ডিগ্রী সমতায়ন করা যাইবে না।
- (৫) অর্জিত বিদেশী পোস্ট গ্রাজুয়েট ডিগ্রী ০১ (এক)/ ০২ (দুই) বৎসর মেয়াদী হইলে এবং পূর্ববর্তী গ্রাজুয়েশন ডিগ্রী উপরোক্ত (৩) পন্থায় অর্জিত হইলে সকল ডকুমেন্ট ও তথ্যাদি সঠিক থাকা সাপেক্ষে উক্ত অর্জিত পোস্ট গ্রাজুয়েট ডিগ্রী বাংলাদেশের পোস্ট গ্রাজুয়েট ডিগ্রীর সহিত সমতায়ন করা যাইবে।
- (৬) Ph.D. ডিগ্রীর ক্ষেত্রে দাখিলকৃত সকল ডকুমেন্ট ও তথ্যাদিসহ থিসিস পেপারটি বিশেষজ্ঞ মতামতের ভিত্তিতে সমতায়নের বিষয়ে সিদ্ধান্ত গৃহীত হইবে।

৮। এই নীতিমালা সংশোধন, ইহাতে নতুন ধারা সংযোজন, কোনো ধারার সংশোধন এবং কোন ধারা বাতিল করিবার ক্ষমতা কমিশনের উপর ন্যস্ত থাকিবে। এতদ্ব্যতীত এই নীতিমালার কোনো ধারার/বাক্যের/শব্দের ব্যাখ্যা বা অর্থ নির্ধারণের ক্ষেত্রে কমিশনের সিদ্ধান্তই চূড়ান্ত বলিয়া গণ্য হইবে।

  
 (অধ্যাপক আবদুল মান্নান)  
 চেয়ারম্যান  
 বাংলাদেশ বিশ্ববিদ্যালয় মঞ্জুরী কমিশন।

গত ২৮-০৩-২০১৮ তারিখে অনুষ্ঠিত বাংলাদেশ বিশ্ববিদ্যালয় মঞ্জুরী কমিশনের ১৪৯ তম সভায় অনুমোদিত।